



Gelbbolašvuoda olahusa dovdomearkkat – sámegiella nubbingiellan, sámegiella 3, 4. dássi, Jo2 fidnofága

Gelbbolašvuoda olahusa dovdomearkkat gusket ođđa oahppoplánii sámegiellas nubbingiellan, sámegiella 3, 4. dássi (SAS03-01). Dát leat bagadeaddjin loahppaárvoštallamii.

ARTIHKAL | MADEMUS RIEVDADUVVON: 21.08.2020

Leat ráhkaduvvon bagadeaddji gelbbolašvuoda olahusa dovdomearkkat doarjjan oahpaheddjiide gelbbolašvuoda olahusaid árvvoštallamis. Oahppoplána gelbbolašvuodamihtut leat ain vuodđun árvvoštallamii, ja danin galget dovdomearkkat adnot ovttas oahppoplánain. Dovdomearkkat leat kvalitehtaválddahasat das movt oahppi gelbbolašvuolta sáhtta leat iešguđetge dásiin.

Vejolašvuodát oahppoplánas addet oahpaheddjiide ja ohppiide vejolašvuoda válljet sisdoalu, ja movt oahpahuš galgá organiserejuvvot. Dovdomearkkat leat danin hábmejuvvon bajitdásis ja golmma árvosátnái: unnán gelbbolašvuolta (árvosátni 2), buorre gelbbolašvuolta (árvosátni 4) ja earenoamáš gelbbolašvuolta (árvosátni 6), gč. oahpahušlága lánkaásahusa.

Bagadeaddji dovdomearkkat gelbbolašvuoda olahusain galget addit oktasaš našunála vuogádaga loahppaárvoštallamii. Skuvllat ja oahpaheaddit sáhttet geavahit dáid vai ožžot oktasaš dulkoma árvvoštallamii.

Dás sáhtát lohkat eanet ovttasbarggu ja dulkonoktavuođaid birra.

Dás sáhtát lohkat eanet dan birra ahte movt sáhtát váldit atnui oahppoplánaid.

Unnan gelbbolašvuohta fágas, árvosátni 2	Buorre gelbbolašvuohta fágas, árvosátni 4	Erenoamáš gelbbolašvuohta fágas, árvosátni 6
Guldalit	Guldalit	Guldalit
Oahppi ipmirda ja geardduha váldosisdoalu njálmálaš teavsttain mat gullet fága fáttáide.	Oahppi ipmirda ja geardduha váldosisdoalu ja muhtin detálgaid njálmálaš teavsttain mat gullet fága fáttáide.	Oahppi ipmirda ja geardduha váldosisdoalu ja mánga detálgaid njálmálaš teavsttain mat gullet fága fáttáide.
Njálmálaš ovttasdoaibman	Njálmálaš ovttasdoaibman	Njálmálaš ovttasdoaibman
Oahppi divvu gažaldagaid ja čuovvola ságastallamiid fága fáttáin.	Oahppi divvu čilgejeaddji gažaldagaid ja čuovvola ságastallamiid fága fáttáin.	Oahppi divvu čilgejeaddji ja čiekŋuduvvon gažaldagaid ja viidáset ovddida ságastallamiid fága fáttáin.
Njálmálaš buvttadeapmi	Njálmálaš buvttadeapmi	Njálmálaš buvttadeapmi
Oahppi hupmá muhtun muddui čanastemiin, eanas muddui doarvái sátneriggodagain ja ipmirdahtti gielain mii muhtun muddui lea heivehuvvon sisdollui ja dilálašvuhtii.	Oahppi hupmá čanastemiin, doarvái sátneriggodagain ja geavaha giellastruktuvrra eanas háviid riehta, ja buori muddui heiveha giela sisdollui ja dilálašvuhtii.	Oahppi hupmá čielgasit čanastemiin, girjás sátneriggodagain ja geavaha giellastruktuvrra buori muddui riehta, ja heiveha giela sisdollui ja dilálašvuhtii.
Lohkat	Lohkat	Lohkat
Oahppi ipmirda ja geardduha váldosisdoalu čálalaš teavsttain mat gullet fága fáttáide.	Oahppi ipmirda ja geardduha váldosisdoalu ja muhtin detálgaid čálalaš teavsttain mat gullet fága fáttáide.	Oahppi ipmirda ja geardduha váldosisdoalu ja mánga detálgaid čálalaš teavsttain mat gullet fága fáttáide.
Čállit	Čállit	Čállit
Oahppi čállá álkis teavsttaid main lea muhtin muddui čanastupmi, eanas doarvái buorre sátneriggodat ja ipmirdahtti giella muhtun muddui heivehuvvon čállima ulbmilii.	Oahppi čállá teavsttaid main lea čanastupmi, doarvái buorre sátneriggodat ja ipmirdahtti giella, mii lea heivehuvvon čállima sisdollui ja ulbmilii.	Oahppi čállá teavsttaid main lea čielgasit čanastupmi, struktuvra ja girjás sátneriggodat, ja geavaha giellastruktuvraid eanas muddui riehta ja heiveha giela čállima sisdollui ja ulbmilii.

